

**Talamdan sa
Mga Mensahe sa Full-time Training
sa Spring Term sa 2025**

**LINANGKOB NGA HISGOTANAN:
ANG MAHINUNGدانONG MGA PUNTO SA MGA SULAT NI PABLO—
EFESO**

Mensahe 9

Ang Tiunay nga Pagtukod sa Organicong Lawas ni Cristo

Basahong Kasulatan: Efe. 4:7-16

- I. Ang tiunay nga pagtukod sa organicong Lawas ni Cristo pinaagi man sa paghatag, pagpaambit, sa diosnong grasya segun sa gidak-on sa gasa ni Cristo—Efe. 4:7:**
 - A. Kinahanglanon kaayo nga gasa alang sa Lawas ang matag usa ka bahin sa Lawas ni Cristo—1 Cor. 12:14-22; Rom. 12:4-5.
 - B. Ang gasa ni Cristo tawo nga naumol sa kinabuhi ug elemento ni Cristo nga gipaambit sa Diosnong Trinidad kaniya—itandi sa 2 Cor. 1:15.
 - C. Dunay gidak-on ang tagsatagsa ka tawong ginasahan, ug gihatag, gipaambit, ang diosnong grasya kaniya segun nianang gidak-ona—Efe. 4:16; itandi sa Rom. 12:3.
- II. Ang tiunay nga pagtukod sa organicong Lawas ni Cristo pinaagi man sa paghatag sa mga tawong ginasahan, sama sa mga apostol, mga propeta, mga ebanghelista, ug mga magbalantay ug magtutudlo, nga naumol diha sa pagpaambit sa Diosnong Trinidad, ni Cristo nga Ulo sa pagkayab Niya (nga naglakip sa Iyang pagkabanhaw), ngadto sa Lawas ni Cristo—Efe. 4:8-12; Buh. 2:24, 27; 1:9:**
 - A. Niingon ang Efeso 4:8 nga, “Kay nikayab na man Siya sa kahitas-an, gipamihag Niya kadtong nangabihag ug nanghatag Siyag mga gasa sa mga tawo”:
 1. Ang *kahitas-an* nga kinutlo sa Salmo 68:18 nagpasabot sa Bukid sa Sion (vv. 15-16), nga nagsimbolo sa ikatulong langit, nga gipuy-an sa Dios (1 Hari 8:30).
 2. Nagpasabot ang Salmo 68 nga diha sa Arka nisaka ang Dios sa Bukid sa Sion human makadaog ang Arka (Num. 10:35); nagpakita kini giunsa pagdaog ni Cristo ug madaogong nikayab sa mga langit.
 3. Pinaagi sa unibersohanong pagngadto-nganhi ni Cristo ug sa pagkayab Niya, gipamihag Niya ang mga nangabihag ni Satanas ug gihimo silang mga gasa alang sa Iyang Lawas—Efe. 4:8-11:
 - a. Gipamihag ni Satanas ang tinubos nga mga balaan sa wala pa sila maluwas tungod sa kamatayon ug pagkabanhaw ni Cristo—itandi sa Lucas 4:18.
 - b. Sa pagkayab ni Cristo gipamihag Niya sila; sa ato pa, giluwat Niya sila gikan sa pagkabihag nila ni Satanas ug giangkong nga Iyaha—Sal. 68:18.
 - c. Sa pagkayab ni Cristo gidala Niya sila sa mga langit ingog Iyang mga binihag sa nagprosesyon nga mga kaaway nga binuntog Niya ug gihimo silang mga gasa alang sa Iyang Lawas.
 - d. Nagsaulog karon si Cristo sa pagdaog Niya kanila, nga mga kaaway nga binuntog Niya, ug gidala sila ingog mga binihag Niya sa madaogong prosesyon

sa lihoc Niya alang sa Iyang pagpangalagad nga magtukod sa Iyang Lawas—2 Cor. 2:14.

- B. Labi nga mosaka ug manaog si Cristo sa sulod nato, magbihag ug mobuntog nato, labi sab nga pun-on ta Niya sa Iyang Kaugalingon aron maumol ta nga mga gasa alang sa Iyang Lawas—itandi sa Efe. 4:8-10.
- C. Balaknon ug mahulagwayong gipadayag sa Salmo 68:12-13 ang “inagaw” sa pagdaog ni Cristo, nga naglakip sa tanang naangkon sa nahuman, nahingpit, nakab-ot, ug nabatonan ni Cristo isip mga naani sa pagdaog sa Iyang kamatayon, pagkabhaw, ug pagkayab; gidetalye pagsaysay sa versiculo 13 kining inagawa—“Dunay mga pako sa salampati nga sinapawan og salapi, / Ug ang mga dagang niini, sa berdehong-dalag nga bulawan”:
 - 1. Sa pagkatinuod kining inagaw mao ang kadato sa nahikay ug nahingpit nga Tulo-usang Dios ingon nga pahat sa mga pinili sa Dios, nga gihulagwayan sa salampati (ang Espiritu), sa salapi (ang Anak), ug sa bulawan (ang Amahan).
 - 2. Ang mga pako sa mga salampati nagtimaan sa naglihok nga gahom sa Espiritu.
 - 3. Ang salapi nagtimaan ni Cristo sa pagtubos Niya aron mamatarong ta, nga gipakita sa kolor nga puti, nga kolor sa pag-uyon.
 - 4. Ang mga dagang (ang mga balhibo sa tumoy sa mga pako sa langgam nga naghatag og kusog sa paglupad ug pagsulbong) nagtimaan sa makapalupad ug makapasulbong nga gahom sa Espiritu—Isa. 40:31.
 - 5. Ang berdehong-dalag, naggilak-gilak nga bulawan, nga gisapaw sa mga dagang, nagtimaan sa kinaiya sa Dios nga naggilak-gilak diha sa diosnong kinabuhi ug himaya—2 Ped. 1:4; itandi sa Juan 4:24; 1 Juan 4:8; 1:5.
 - 6. Ang mga sulod sa nahisgotang mga butang, nga inagaw ni Cristo sa pagdaog Niya aron mapahimuslan sa mga pinili sa Dios, sa pagkatinuod mao ang Tulo-usang Dios ug ang tanang butang sa kompleto, hingpit, ug malangkobon-sa-tanan nga kaluwasan Niya—itandi sa Rom. 5:10, 17, 21.
 - 7. “Dalaygon ang Ginoo, nga dagayang nagtugob natog kaayohan adlaw-adlaw; / Ang Dios maoy atong kaluwasan. Selah” (Sal. 68:19); ang “kaayohan” dinhi wala magtimaan sa “kaayohan” sa materyal nga mga butang kondili sa “kaayohan” sa Tulo-usang Dios mismo nga gipahimuslan nato adlaw-adlaw ingon nga inagaw sa pagdaog ni Cristo (Rom. 8:28-29; 2 Cor. 4:16) nga mag-umol nato nga tinuod nga mga gasa nga magtukod sa Lawas ni Cristo.

III. Ang tiunay nga pagtukod sa organicong Lawas ni Cristo pinaagi man sa paghingpit sa mga tawong ginasahan sa mga balaan diha sa diosnong pagpaambit, aron makahimo ang tanang balaan sa buhat sa pagpangalagad sa Bag-ong Tugon, sa ato pa, magtukod sa Lawas ni Cristo—Efe. 4:11-12, 15-16:

- A. Gihingpit sa mga tawong ginasahan ang mga balaan sa pagtil-og kanila segun sa kahoy sa kinabuhi nga dunay sangkap sa kinabuhi aron motubo sila sa kinabuhi—Gen. 2:9; 1 Cor. 3:2, 6.
- B. Gihingpit sa mga tawong ginasahan ang mga balaan aron mobuhat sa gibuhay nila aron direktang matukod ang Lawas ni Cristo—Mat. 16:18; Efe. 4:11-12; itandi sa 1 Tim. 1:16; 4:12:
 - 1. Gihingpit sa mga apostol ang mga balaan sa pagpamisita nila sa kaiglesiahan (Buh. 15:36, 40-41; 20:20, 31), sa pagsulat og mga sulat ngadto sa kaiglesiahan (Col. 4:16; 1 Cor. 1:2), ug sa pagpahiluna sa ilang mga masigka-magbubuhay nga mopuyo sa pila ka dapit aron mohingpit sa mga balaan (1 Tim. 1:3-4; 3:15; Tito 1:5).

2. Gihingpit sa mga propeta ang mga balaan sa pagtudlo kanila nga ipamulong ang Ginoo ngadto sa mga tawo, sa pagpamulong diha sa mga tigom aron maghatag og sumbanan, ug sa pagtabang sa mga balaan nga magkinabuhi sa nagpropesiyang kinabuhi pinaagi sa pagkadasig pag-usab matag buntag ug pagdaog adlaw-adlaw—Buh. 13:1; 1 Cor. 14:31; Prov. 4:18.
 3. Gihingpit sa mga ebanghelistang mga balaan sa pagdasig kanila nga magdilaab sa nagsangyaw-sa-ebanghelyo nga espiritu, sa pagtudlo kanila sa mga kamatuoran sa ebanghelyo, sa pagbansay kanila nga mosangyaw sa ebanghelyo, sa pagtabang sa mga balaan nga masangkapan sa gahom sa mapatigayonong Espiritu, ug sa paghatag og panig-ingnan sa paghigugma sa mga makasasala ug pag-ampo alang nila—2 Tim. 4:5.
 4. Gihingpit sa mga magbalantay-magtutudlo ang mga balaan pinaagi sa pagpangatiman—pagpakaon ug pagtil-og sa batan-ong mga balaan ug pagtudlo sa nagtubo nga mga balaan—Buh. 11:25-26; 13:1.
- C. Ang resulta ning paghingpit mao nga modangat tang tanan sa pagkausa sa pagtuo ug sa hingpit nga pagkaila sa Anak sa Dios, sa pagkahingkod nga tawo, ug sa sukod sa gidak-on sa kahupnganan ni Cristo—Efe. 4:13; itandi sa Juan 17:23.
- D. Tungod ning paghingpit dili na ta magpabiling gagmayng bata nga kusokusohon sa mga balod ug ipalid sa tanang hangin sa pagtulon-an sa lipatlipat sa mga tawo, diha sa kaigmat sa tuyo nga satanasnong magsistema sa kasaypanan—Efe. 4:14.

IV. Ang tiunay nga pagtukod sa organicong Lawas ni Cristo pinaagi man sa direktang pagtukod sa tanang bahin—ngadto sa Ulo ug gikan sa Ulo—vv. 15-16:

- A. Aron matukod, magkupert gyod ta sa kamatuoran diha sa gugma, magtubo ngadto sa Ulo, ni Cristo, sa tanang butang—v. 15:
1. “Ipatinuod” gyod nato kini sa pagkupert nato sa diosnong kamatuoran sa walay kataposang pamatigayon sa Dios, sa malangkobon-sa-tanan nga Cristo, ug sa iglesia nga Lawas ni Cristo.
 2. Magpasakop gyod ta sa Ulo, ni Cristo (1 Cor. 11:3; Efe. 5:23; 1:22, 10), ug pakaylapon ug patuboon ang Iyang diosnong kinabuhi nganha sa tanang bahin nato sa sulod (Rom. 8:10, 6, 11; 2 Cor. 5:4).
- B. Gikan sa Ulo, diha sa diosnong pagpaambit, gisumpay pag-ayo ang tibuok Lawas pinaagi sa tagsatagsa ka lutahan sa dagayang sangkap ug gitagik pag-usa, gisalapid, pinaagi sa pagbuhat sa maarangan sa matag usa ka bahin—Efe. 4:16.
- C. Ang pagsangkap sa mga lutahan ug ang pagbuhat sa mga bahin maoy nagpatubo sa Lawas, diha sa pagpaambit sa Diosnong Trinidad, aron magtukod ang Lawas sa iyang kaugalingon diha sa gugma—v. 16:
1. Ang tibuok Lawas maoy nagpatubo sa Lawas—itandi sa 1 Cor. 14:4b, 31.
 2. Nagtukod ang Lawas sa iyang kaugalingon diha sa diosnong gugma, nga gihigugma sa Dios ug ni Cristo kanato ug pinaagi niini gihigugma nato si Cristo ug ang mga masigka-bahin sa Iyang Lawas—Juan 17:23, 26; 13:34; 15:12-17; 1 Juan 3:14; 4:8, 19; 1 Cor. 8:1.